

Das Erste Buch

eingeworffen vnd vermischte materien nicht verbrennen/vnnd et-
nen nachgeschmack vom Feuer bekommen.

Dritter
weg das
Oele in Bal-
neo Mariae
zu distillire

Etliche machen das Oel durch das distilliren in Balneo Ma-
riae. Solches geschiehet auff diese weis / sie thun die gläsern Kol-
ben/welche das Oel vnnd materien in sich helt/in ein Kessel/so voll
heisses Wassers ist/lassen die materien drey Tag ohne gefehr bei-
ßen vnnd rösten/vnd trucken demnach den Safft auß / lassen wi-
derumb andere frische materien in gemeltem Safft vnnd Balneo
beizen/so lang als zuvor/trucken es auß/vnnd widerholen die ver-
newerung der materien außbeizung vñ außtruckung so lang/bis
das Oel die Krafft der eingebeizten specierum wol an sich hab
gezogen.

Beste weis
geärzte ole
zu machen.

Welche noch subtiler vnnd fleissiger seyn/die thun gemeldte
Kolben nicht in heiß vnd siedent Wasser/sondern stellen vnd hen-
cken es auff des Wassers Dämpffe/vnd lassen die Materien auff
solche weis einbeizen.

Solches gefelt jetziger zeit Medicis am besten/vnd ist die rech-
te weis geärzte Oel zu machen / doch bey den Apotekern nicht
sehr bräuchlich/dieweil es viel kostet/vnd sie solche Mühe auff sich
nicht nehmen wollen.

Vierdter
weg.

Man hat noch ein andere weis geärzte Oel zumachen/durch
das pressen vnd außtruckten/als das Mandel Oel vnd andere Oel
pflegen gemacht zu werden.

Fünffter
Alchymisti-
scher weg.

Noch ist ein andere Alchymistische weis / von welcher wir all-
hie nicht sagen wollen / dieweil dieses Büchlein sonderlich gemeis-
nen Haushältern vnnd Idioten ist fürgeschrieben worden/vnnd
dieselbige weis mehr Verstandts vnnd Zeit/auch vieler kosten be-
darff / doch soll hiervon etwas meldung geschehen=vom folio bis
zum ende.

Letzter
weg.

Letztlich/ist noch gar ein schlechte weis / die bey vielen jetzt ge-
mein ist/nemlich / wenn sie ein Kraut oder materien dürr außge-
brennt haben/nehmen sie das außgebrannte Wasser / vnnd gies-
sen es widerumb vber das druckene außgebrannte Kraut / vnnd
lassen